

Oqaluuserisassanut nassuiaat.

(Inatsisartut Siulittaasoqarfiat)

Aalisarnermut, Piniarnermut Nunalerinermullu Ataatsimiititaliaq qinnuteqarpoq oqaluuserisassani immikkoortup 104-p, Uunga siunnersuut: Aalisarnermut aningaasaliissutitut immikkoortitat pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. 2011-meersoq. (Tapiisarnermut tunngavissanut allanngortitsineq) aappassaaneerneqarnissaata kinguartinneqarnissaanik. Immikkoortoq pineqartoq ulloq 20. oktober aappassaaneerne-qartussaagalarpoq ullorlu 8. november pingajussaaneerneqartussaagalarluni. Maanna siunnersuutigineqarpoq immikkoortoq 104 ulloq 7. november aappassaaneerneqassasoq aammalu ulloq 15. november pingajussaaneerneqassasoq.

Sanaartornermut Avatangiisinullu Ataatsimiititaliaq qinnuteqarpoq oqaluuserisassani immikkoortup 38-p, Uunga siunnersuut: Avatangiisit innarlitsaaliorneqarnissaanik Inatsisartut inatsisaat nr. xx, xx.xx 2011-meersoq ulloq 8. novemberimut kinguartinneqarnissaanik. Immikkoortoq pineqartoq ulloq 20. oktober aappassaaneerneqartussaagalarpoq ullorlu 8. november pingajussaaneerneqartussaagalarluni. Maanna siunnersuutigineqarpoq immikkoortoq 38 ulloq 8. november aappassaaneerneqassasoq aammalu ulloq 15. november pingajussaaneerneqassasoq.

Sanaartornermut Avatangiisinullu Ataatsimiititaliaq qinnuteqarpoq oqaluuserisassani immikkoortup 100-p, Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allannguuteqartinneqarnera pillugu Inatsisartut inatsisaat nr. xx, xx. xx 2011-meersoq.

(Aalajangersakkamut tapiliussaq, sanaartornermi neqerooruteqartitsisarnermi pitsaassuseq tunngavigalugu unammilleqatigiinnermut maleruagassanik Naalakkersuisut aalajangersaanissaannut piginnaatitsiviusoq) ulloq 8. novemberimut kinguartinneqarnissaanik. Immikkoortoq pineqartoq ulloq 20. oktober aappassaaneerneqartussaagalarpoq ullorlu 8. november pingajussaaneerneqartussaagalarluni. Maanna siunnersuutigineqarpoq immikkoortoq 100 ulloq 8. november aappassaaneerneqassasoq aammalu ulloq 15. november pingajussaaneerneqassasoq.

Imm. 131, Inuusuttut inersimasullu akornanni naqinnernik takunnissinnaanngitsut aamma atuarnermik allannermillu ajornartorsiuteqartut pillugit nuna tamakkerlugu iliuusissanik piler-saarusiornissamut Naalakkersuisut peqquneqarnissaannik Inatsisartut aalajangiiffisassaattut siunnersuut, aqagu ulloq 19. oktober oqaluuserineqartussaagaluq ulloq 27. oktoberimut nuunneqarpoq, imm. 62-ip, Naqinnernik ilisarinnissinnaanngitsut ilikkagaqarfiunerusumik qanoq isiornikkut ilinniartinneqartarnissaannik aammalu immikkut sullinneqartarnissaat sutigut pitsanngorsaavigissanerlutigu apeqquteqaat aallaavigalugu oqallinnissamik siunnersuutip, oqaluuserineqarnissaata kinguninnguanut.

Piffissami oktobarip ulluisa 24-aniit ataatsimiinerup naanissaata tungaanut Inatsisartunut ilaasortat Kim Kielsen, Siumut aamma Justus Hansen, Demokraa- tit taasisarnerit pillugit isumaqatigiissuteqarput.

